摘藻堂四庫全

書薈

要 经 部

欽定四庫全書為要 然易料言悉七十二至



詳校官祭酒臣幸無恒

欽 説 之 道 2 3 德 定四庫全書舊要卷一百八十四經部 卦 有著而後畫卦學拾遺 大易粹言卷七十一 道先生日此赞於神明而生著用著以求卦 栭 聖人之作易也坐贊於 觀變於陰陽而立卦發揮於剛 È 理於義窮理盡性以至於命 ٠. 1.5 大易粹言 問 〇 神明而生著参天雨地 宋 順 方開 於道德而理於義 柔而生爻和順 編 非 謂 祈 於

盡 曰 伊 命 體 亦可了東 性 後 至命必本於孝弟不識孝弟何以 川先生曰理也性也命也三者未當有異窮理 謂之命命者造化之謂也 无次序不可将窮理作知之事若實窮得理即 用 Ĵ 盡 人便將性命別作一般事說了性命孝弟只是 也 刍 一性則 師劉 녈 訓〇窮理盡性以至於命三事一時並 見與 知天命矣天命猶 録叔 卷七十一 師附 説張 天道也以 繹 能盡性至命也 O 問 用 行 状云盡 ıΤŋ 言 之 性 3 則

ŗ 2 0 手編〇窮理盡性矣曰以至於命則全无着力處 性至命者由之而不知也〇九一物上有一理 與盡性至命亦是一統底事无有本末无有精粗却 被 致其理窮理亦多端或讀書講明義理或論古 後來人言性命者別作 統底事就孝弟中便可盡性至命至如酒掃應對 人切近者言之然今時非无孝弟之人而不能盡 别其是非或應接事物而處其當皆窮理也 L. d. 10 10/ 大易粹言 般高遠說故舉孝弟是 須是 劉並

舦 見去〇理 是至於命也横渠首常譬命是源窮理與盡性 序言之不得不然其實只能窮理便盡性至命也 渠引源然則渠與源是兩物後來此議必改 於樂樂則生矣之意所録〇窮理盡性以至於 卢 棣 〇窮理盡性至命一事也才窮理便盡性盡 又不道是窮得一 刍 0 71111 所 則 務於窮理者非道須盡窮了天下萬 須窮性則須盡命則不可言窮與盡 卷七十一 一理便到 只是要積累多後 與並 命 自 幼

盆 芡

: : 達 否 是 理 臣父子問皆是理又 曰 牞 至命因指 扬 į. 物 3 是外物 須 物 所 ٠ 但於一事上窮盡其他可以 雖 是 以曲直者命也理 . . . 物 億萬亦可通 〇格 徧 皆 **水雞** 有理 是性分中 柱曰此木可以為柱理也其曲直者 如火之 頹 大易粹言 子亦只能 問 扬 人窮一 性 所 先生曰 物 いく 命 窮 聞 熱 物 水之所 而已 理 不 頖 非 知十若 還便見得 拘九眼 是盡要窮 推至如言孝 レス 遺氏 寒至 前 到 0 或 後 諸 无 問 非

鉑 啶 顯 理 為 萬 其所以為孝者如何窮理 E 語〇 師李 事或先其易者或先其難者各隨人深淺如干 萬物皆是一理至如一物事雖小皆有是理〇 若只言天只是高地只是深只是已解更有甚 湏 徑皆可適國但得一道入得 庫 是要窮若言天地之所 生き! 致 矢口 在 格 物 巻七十 牞 至也窮理 如一事上窮不得且别窮 レス 髙 便可所以能窮者只 而至於物 深鬼神之所以 則 扬 理 幽 物 蹊

:: : : 横 謂 明 物 以参也〇兩不立則一不可見一不可見則 渠先生曰方其將有謀也將有問也命於著此所 策上著在手中卒歸三處一時合豈非幽赞於 之法也天所以 而 生著非謂在野而生著也事在未來之前古山 兩 兩 į 得爾也起其用也〇地所 體氣也一故 體者虚實也動静也聚散也清濁也其究一而 ١. dulo I 参一太極 神 大易粹言 不雨 測在 故 啊 兩 儀 故 いズ 12 兩 而象之性也〇 於推 分剛柔男女 一行 此天之 四 兩之用 在 而 神

金 亦 定 言美輕重不同〇性盡其道則命至其源也於原 者 參也〇理義即是天道也易言理於義一也求是 爾 巴〇 有兩則有一是太極也若一 匹 非 可忘理於義此理云者猶人言語之問常所 則字字相梗觀其文勢上下如充實之美與詩 理義言理義不如且言求是易曉求是之心依 庳 在然无兩則安用一不以太 同窮理之理九觀書不可以相 41 - Park - 124 卷七十一 則有兩亦在无 極空虚而已非 類而泥其義不 謂 兩 理 頃 Вp 天

容 禀賦本分者且不可以有加也既言窮理盡性則 故先窮理而後盡性〇九人剛柔緩急超識无有同 釋氏无天用故不取理彼以性為无吾儒以參為性 此乾道變化各正性命也及盡性則皆忘之〇窮 有不知〇天道即性也故思知人不可不知天能 理盡性即是戕賊不可至於命者止能保全天所 天斯知人矣知人與窮理盡性以至於命同意〇 大易學言

〇 致與至為道殊遠盡性然後至於命不可謂

盡人之性既盡得人之性須是并萬物之性一齊盡 言性已是近人言也既窮理又盡性然後能至於命 物之性天下之理无窮立天理乃各有區處窮盡性 義儘有次序須是窮理便能盡得己之性則推頻又 至於命只窮理便是至於命予謂亦是失於太快此 得如此然後至於天道也其間然有事豈有當下理 命則又就己而言之也說易〇二程解窮理盡性以 亦當有漸見物多窮理多從此就約盡人之性盡 釺

定匹庫全書

を七十一

<u>ڪ</u> 勝氣性命於氣德勝其氣性命於德窮理盡性則性 遺也〇至於命然後能成己成物不失其道〇德不 莫不性諸道命諸天我體物未當遺物體我知其不 盡其性能盡人物之性至於命者亦能至人物之命 與至於命儘有近遠豈可以知便謂之知也蘇 死生則曰有命以言其氣也語富貴則曰在天以 天德命天理氣之不可變者獨死生修天而已故 會了學者須是窮理為先如此則方有學今言知命 ... 大易符言 言

所與也必曰舜禹云者餘非來勢則求馬者也利者 為神滞者為物是故風雷有象不速於心心學見聞 所乘所遇之不同如仲尼與繼世之君也舜禹有天 之理也能使天下悦且通則天下 必歸馬不歸馬者 地之中也所謂天理也者能悦諸心能通天下之志 其理也此大德所以少受命易簡理得而成位乎天 不弘於性〇不誠不莊可謂之盡性窮理乎性之德 而不與馬者正謂天理制致非氣禀當然非志意

眉生書

を七十一

知生元所得則死无所喪〇太虛元形氣之本體其聚 知人不可不知天盡其性然後能至於命盡性然後 之外命行乎氣之内氣无內外假有形而言爾故思 憂而同其无憂者有相之道存乎我也〇性通乎氣 已者謂命不能无感者謂性雖然聖人猶不以所可 受之分盡性窮理而不可變乃吾則也天所自不能 性其總合兩也命其受有則也不極總之要則不至

也未當偽且慢故知不免乎偽慢者未當知其性也

新定四庫全書 · 窮理可乎不知窮理而謂之盡性可乎謂之无不知 失中其過也塵芥六合其蔽於小也夢幻人世謂之 身之小溺其志於虚空之大此所以語大語小流道 釋氏妄意天性而不知範圍天用反以六根之微因緣 天地明不能盡則誣天地日月為幻妄蔽其用於一 明誠由窮理而盡性也自誠明由盡性而窮理也〇 物交之客感爾客感客形與无感无形惟盡性者一之〇自 其散變化之容形爾至靜无感性之淵源有識有知

たこり 多有議論少有分明繁幹分明說云參天兩地而 窮理以至於盡性也謂先從學問理以推達於天性 窮理也謂先自其性理會來以至行理自明誠者先 固 龜山楊氏曰問乾坤用九六荆公曰進君子退小人 究所從也蒙正〇須知自誠而明者先盡性以至於 可乎塵於六合謂天地為有窮也夢幻人世明不能 非自然之理而正叔云觀河圖數可見何也曰此 2. dua 100/ 大易粹言

數九參天六兩地也〇六經不言无心惟佛氏言之 道幽贊神明故生用蓍求卦之法猶繫解言是與神 亦不言修性惟揚雄言之心不可无性不假修故易 也然以八卦六十四卦言之則非獨包議矣聖人以 者明八卦六十四終始一道耳或者言聖人謂包養 白雲郭氏日說卦論說八卦之道而此極重卦而言 佛氏和順於道德之意益有之理於義則未也雖 止言洗心盡性記言正心尊德性孟子言存心養性 巻七十一 語

生而後數可倚數可倚而後卦可立卦可立而後文 赞之道矣故有神明之道有幽赞之道有生著之道 物以前民用蓋是道本於神明聖人能生之是為幽 以道合道故能生是道也此言變化之始也自著道 可生作易之道終矣易成而後道德理義有所寫聖 人窮易之理盡萬物之性復於天道故曰以至於命 道終有无循環實由一道非聖人有私意以作也 章自幽赞之始至以至於命蓋明以此道始復以 大易符言

金 灾 易特載以明之而已故聖人於玩易之際復用此道 言泉解之間其道德與義本諸自然聖人因之而 德 微 岡川 道以生易由易以復於道非聖人則无生无復謂 窮理盡性至於命也窮理者窮天之理也盡性者 柔者萬類所從生故參兩觀變發揮之也易於道 天之性也然後不失其所謂 无違也和順之而已於義无作也明辨之而已蓋 顯 庫 闡幽而已天地者數所由 生陰陽者變所由生 全 書 を七十一 天之命矣是知聖 作

為 六二十四二十八三十二之慶以分陰陽老少聖人 於義也極深研幾以崇德廣葉所以窮理盡性 生文之道也繫解馬而命之所以和順於道德 慶立卦之道也自九六而發揮為剛為柔聖人發 命也聖人作易之道如是而己〇觀九六之數蓋 九雨地之二四而為六聖人倚數之道也盡三十 行之數聖人此赞神明之道也冬天之一三五 大易碎言 1 而 而

聖人作易可也然異乎聚人之所謂作者矣認

易 曰 三才而兩之故易六畫而成 歃 定 陰 六位而成章 而 是 聖人參天兩地而得之至於七八則 四庫全 與陽立地之道曰柔與刚立人之道曰仁與義兼 聖人之作易也將以 陰當六者亦未之思也辨 其次極於七又疑老陰當十少陰當八老陰當 則 陰陽老少之辨夫何疑馬或者謂陽數 書 巻七十一 順性命之 卦分陰分陽 疑蓍 卦 理是以立天之道 有名而无象如 `选用 柔 極 於 [4] 儿 故

窗道理等 由字也不消道自己分明陰陽剛柔仁義只是此一 仁者人也親親為大義者宜也尊賢為大唯能親親 国山 川先生曰昔者聖人立人之道曰仁曰義孟子曰 立人之道曰仁與義兼三才也之而兩之不雨 話至於易只道箇立人之道曰仁與義則和性字 道先生曰立天之道曰陰與陽立地之道曰柔與 師〇孟子言堯舜性之舜由仁義行豈不是尋常 説籲 大易空言 劉則

易 賢故賢者在位能者在職唯仁與義盡人之道盡人 故老吾老以及人之老幻吾切以及人之幻唯能尊 仁者體也義者用也知藏之為用而 道 今日合人道蘇則是今尚不廢者猶只是有那此 道矣世之所論於義者多外之不然則 知仁義之說者也所 日立人之道曰仁與義而孟子言仁必以義配蓋 則謂之聖人始 を七十一 録○仲尼言仁未常兼義獨於 録夫〇立人之道曰仁與 不外馬者可與 泥 ħ) 无 别

欽

定四庫全書

横渠先生曰陰陽柔剛仁義所謂性命之理易一物 秉桑卒於滅不得以此思之天壤間可謂孤立其將 誰告耶東見録 陰陽天道象之成也剛柔地道法之効也仁義人道 合三才天人一陰陽其氣剛柔其形仁義其性說 而三才備陰陽氣也而謂之天剛柔質也而謂之地 仁義德也而謂之人〇一物而兩體其太極之謂數 之立也三才雨之莫不有乾坤之道也易一物 大易碎言 而

萬 0 陰 自 相 利 レン 害生 屈 求 古不變若陰陽之氣則循 順 何哉〇屈伸 古 伸 陽之精互藏其宅則各得其所安故日 性命之理 組 其殿幸也〇陰陽剛 雜之偽也至 緼 无方運行不息莫或使之 不曰性命之 村目 揉蓋相 則 相感而利生感以 所 兼 謂古 誠 相、 則 制欲 凶 順 莫 環 柔仁義之本立而 理 迭 而 非 誠 至聚散 之 正也 利 也情偽 而 偽 不能 逆 則 相盪升 理 不 相 此其 月之 則 循 感 理 後 凶 理 為 謂 而 m, 肵

盆定

四

庫

全

書

を七十一

龜 廣 動 超時應變故乾坤毀則无以見易〇六爻者盡利 轨 有 岡川 山楊氏曰荆公云天使我有是之謂命命之在我 立人之道曰仁與義夫道一而已其立於天下則 平游氏曰立天之道曰陰與陽立地之道曰柔與 有常而三德所以用義也幹 其仁之端也執其兩端而用之以時中此九德所 雨端故君子有剛克馬執其義之端也有柔克馬 順陰陽剛柔仁義性命之理也並正 大易料言 庸 <u></u>

歃 定四 之謂 使 在 因性命之説而詳言之以見易之為書所以能 雲郭氏曰前章自作易生蓍終於性命而止此 然者可以為命乎以命在我為性則命自一物 庸言天命之謂性性即天命也又豈二物哉如云 聖人之作易將以順性命之理是也 天為命在人為性此語似无病然亦不須 庫 性是未知性命之理其曰使我正所謂 初无二理第所由之者無耳率性之謂道如 全書 卷七十一 録語 使然也 如此 章 岩 説

者人之二道也天地人之道各二所謂三才雨之也 名 後成卦也然則文王之重不得不作矣蓋出於三 能兼三才則皆兼其兩之之道此易之畫所以 也陰陽者天之二道也柔剛者地之二道也仁義 謂性於是乎有别矣是以陰陽系剛仁義各異其 不謂性命因天地人而言之則天道之謂命人 道也性命本一故中庸言天命之謂性孟子言 大易學言 +9 君

命者以本乎性命之理故也性命之理即天地

紅欽 陽 矣 才自然非文王之私意也自六畫成卦而後三才陰 分 三才陰陽分為六畫迭以九六柔剛居之也故三才 二道不兼九六言之則曰六畫兼明九六柔剛 之六位是以六畫成卦特有其象而已至六位成 陰一為陽也选用柔剛非謂立地之道柔剛也言 陰分陽非謂立天之道陰陽也言三十二道皆一 故曰六位而成章也章者變化之道明見之謂也 之位具於是乎迭用柔剛之文以 庫 全書 を七十一 居之則變化見 而

定四

天地定位山澤通氣雷風相薄水火不相射八卦相錯 畫文王重之以備三才陰陽故六畫具由此言之則 章而後道大明也方包議未分三才陰陽故卦止三 王之道也包犧立其始文王成 其終孔子明其終始 天立地立人言包樣之道也言陰陽柔剛仁義言文 三畫之道不為不足六畫之道不為有餘孔子言立 三聖人實出於一心是為同道道同故其書同一聖 不作則斯道不明後世不復有聞矣認

大易降言

母 地 便 者順知來者逆是故易逆數也 是人之用也豈可謂手足耳目皆用而身无為乎 地外别有六子如人生六子則有各任以事而父 H 手劉 西北坤位西南言乾坤任六子而自處於无為之 自 大 先生曰易八卦之位元不曾有說先儒以謂乾 閇 編元 故无義理風雷山澤之類便是天地之用豈 風雷之類於天地間 如人身之有耳目手足

一飲定

鸣

庫

全

書

を七十一

横渠先生曰數往者順知來者逆是故易逆數也如 龜山楊氏曰謂揚子雲作太玄只據他立名便不是 孟子曰苟求其故則千歲之日至可坐而致也認 既定却三方九州工十七部八十一家不知如何 為用或異體而交通或同氣而相薄或不相入而 可變耳惟相錯則其變出於自然也 雲郭氏曰天地之位定然後山 澤雷風水火相 得八卦所以可慶而為六十四者只為可相錯 大易阵言 **十** 六 與

欽 雷 定四 來人之道數往者順 道 끐 用 見其難者非止卜筮之用蓋由 此 動 之終也是亦原始可以 而 庫全書 知幾 之 不及於用是以聖人重之重而 卦所 風 以散之雨 君之坤以藏之 為神泉人獨 以必相錯之道也八卦不 而易知來者逆而 レン 知卜筮 潤 之 要 終 E 洏 尖口 微 烜 其道之始必知 2 之艮以止之兄 説易 後 矢口 彰 可以 相 難力之逆 錯 之義故 則道雖 數 徃 知

3 勞乎坎成言乎艮萬物出乎震震東方也齊乎異異 它 出乎震齊乎異相見乎離致役乎坤說言乎冤戰乎 言 白雲郭氏曰天地雷風功用與八卦同故或言象或 君其道也藏其德也互言之知其互備也認 如是須有道理故如八卦之義須要玩索見與 川先生曰古言乾坤退處不用之地而用六子若 卦其實一也動止說又其性也散潤短又其功也 Ē 便分君道无為臣道有為若天則誰與它安排 _ 1.5 大场符言 さ

東 誻 相 所 南也齊也者言萬物之潔齊也離也者明也萬物皆 萬 يا لا 口屋台重 南方之卦也聖人南面而聽天下嚮 也萬物之所說也故曰說言乎兒戰乎乾乾西北 也坤也者地也萬物皆致養馬故曰致役乎坤 也言陰陽相薄也坎者水也正北 物 川先生曰天者理也神者妙萬物而為言者也帝 之所歸也故曰勞乎坎艮東 而所成始也故曰成言乎艮 を七十 北之卦也萬物 方之卦也勞卦 明而治蓋取

欽 定四 諸容載遂乎悦潤勝乎健不匱乎勞始終乎止〇乾 横 豈可不定下所以定南北 得 言 者主宰事而名銅 渠先生曰造化之功發乎動 安 偏 居 得中氣其餘豈不得中氣也 庫 正位是天理自然惟人 排 性 全 書 得來其非自然也 如何曰非也它據方位 N 訓練 大場符言 問 師李 者在坎 劉牧以坎離得正性艮 推之使 如 畢達於順 承附 此 離也坎離又不是 手劉 然 説 編元 0 南 那 如 居中 开多 説並 切切 諸明 主之 0 位 位 養

李夏之末語 白雲郭氏曰天道始於震萬物從之皆出而有生生 始 莫善乎艮又曰成言乎艮艮者萬物之所成然而成 龜山楊氏曰艮止也止其所也故繫辭曰止萬物者 央在季夏之末者且以易言之八卦之作坤在西南 西南致養之地在離兒之問離兒即金火也是以在 也止於此矣復出乎震不終止也故良卦曰時止 止時行則行語

ŗ E 故 後 獨 也故言乎以先之自天地定位之後皆論八卦 重釋之也唯潔齊之義難通求其意則齊一而已弱 息之而後終終則有始此雖萬物之情實天之道 物成物成則說乾以純陽居陰地故陰陽 齊齊畢出也至離而 其復有重釋之辭蓋上論八卦之位未明言其 自出至戰久勞於外必歸 下復明言之曰震東方也異東南也如是則无嫌 事公書 大易符言 明 明則可見至坤而養養而 而有以休息之故勞乎 ナ九 相薄 而

録語 也者妙萬物而為言者也 渠先生曰全備天理則其體孰大於此是謂大人 道先生曰神也者妙萬物而為言若上竿弄瓶至 其道變通无窮故謂之聖聖人心術之運固有不 川先生曰神是極妙之語 新輪誠至則不可得而知上竿 百尺習化其高别聖人誠至之事豈可得而知 平部 日顯 語道 初習數尺而後 記 南河 至

巻七十

欽 為 定四庫全書 其至矣乎説 究神之為言則知道以用為大此孔子所以言中庸 白 者名為神也易與聖人之神皆一也因妙萬物 之為神故曰妙萬物而為言也觀易則知神之為貴 亦有神神非别一物唯以其道之見於用而妙萬 无方而三者皆有之故道亦有神易亦有神聖人 雲郭氏曰道則道也易則書也聖人則人也獨 而速不行而至點而識之處故謂之神説 大易粹言 十 洏 枥 言 神

熯 通 扬 動 萬 氣 隂 明 始 曉 儘神妙須儘研窮此 物者莫疾乎雷撓萬物者莫疾乎風燥萬物者莫 陽 然後能變化既成萬物 道 萬 火說萬物者真說乎澤潤萬物 復至陰黑亦是理也大抵終 消 先生曰冬至一陽生而每 杨 長之際无截然斷絕之理 者其盛乎艮故水火相 理 也 東呂 見與 逮 録○息止也生也止 遇至後則 始 故 者莫潤乎水終萬 雷風不相悖山 萬 相 攓 物莫盛乎 倍寒何-掩 调 如 澤

同 山之養物為多故能終始萬物上言雷風則良與山 也澤上為天澤下為數澤故莫說乎澤也天地之間 莫疾乎風其神也萬物无以加之也故易皆取神物 言乾坤者乾坤妙萬物之神在六子而已莫疾乎雷 白雲郭氏曰此章論泉其序與前八方之卦同獨不 以為八卦之象至乾坤之神又不得而見之矣撓散 功矣下言良則雷風震異同功矣其義互見非 人男平言 F 艮

便生不止則不生將定夫所

誽 健 風 獨 義也重之故變變則通通則久是以自天祐之去无 用 匹庫全書 也坤 相 異也六子之泉雖有動撓燥潤之功而或各專其 利 獨 坎離震異豈能獨用也哉此聖人所以 從山澤相通於是乎慶化而畢成萬物况易之 動獨撓不能變化亦不能成物必水火 順也震動也異入也坎 卷七十一 陷也離麗也艮止也 重卦 相 須 雷

鉑 定

0 兼 横渠先生曰健動陷止剛之象順麗入說柔之體 伊川先生日乾健坤順人亦不曾果然體認得乾坤 陽為主於兩陰之上各得其位而其勢止也易言 明者多艮之泉著則明之義也正 則无以見易易須以意明之語 為块柔則无質麗於陽中所以為離為 山郭氏曰坎陷也離麗也剛 . 1 陷溺而不得出為坎一 附麗而不能去為雜 艮). ... 大易然言 则 録南 有體腦乎陰中所 デニ 說易

鈁 定匹庫全書 為馬坤為牛震為龍異為鷄坎為承離為雉民為狗 後 此 白雲郭氏曰此章言乾坤之德與六子之性情所 則文王不載之簡編孔子何由而得之夫是之謂 世可以學易非健順八字則易不復能讀矣故乾 八者而已文王能明之而不訓其義孔子訓之故 八字盡三才之道健順八字盡八卦六十四之道 卦之名也八卦之名出於包緣氏上古之言止 卷七十一

兒為羊 見為口 為首坤為腹震為足異為股坎為耳離為目艮為手 横渠先生曰飛遷踩動不能致遠鷄之象説 矣説 白雲郭氏曰遠取諸物皆此類也說者或以異主號 白雲郭氏曰乾元首之象也坤之舍弘腹也陽動於 令鷄能知時義猶近之其言死處污濕狗善禁止鄙 J. 4.5 大易粹言 Ī

故 天也故 故 謂 之長男異一索而得女故謂之長女坎再索而得 艮 下足也順於下而動於上股也坎 男女生萬物曰天地中只是一箇生人之生於 川先生日或問劉牧謂上經是天地生萬物下經 謂之少男兒三索而得女故 之中男離再索而得女故謂 具動静而下垂兒為口舌而 稱乎父坤地也故稱乎母 震一索而得男故 謂 之中女艮三索而 上 之少 向 幽 利 也 聽離 説易 女 明 利 得 男 視

ź;

定匹庫

7

ここう 是 自 白雲郭氏曰乾坤天地父母皆一 子生理同有則有此理乾坤坎離同生豈有此事既 同 男 女之泉敌乾坤主父母而言六子之變自下為先 生既有乾坤方三索而得六子若曰乾坤生時六 **坤變而得陽畫於初異自乾變而得陰畫於初故** 同生則何言六子耶附到 女同生曰非也譬如父母生男女豈男女與父母 į • 1.5 大易粹言 道也此論父母男 吉 震

女

即是天地之生安得為異曰牧又謂乾坤與坎離

中 皆曰一索而為長男長女也坎自坤變而得陽畫於 立卦 畫於上故皆曰三索而為少男少女也一二三之義 王之重亦无以異也故說卦首章曰觀變於陰陽而 取 離自乾變而得陰畫於中故皆曰再索而為中男 男也自氧而求陰皆女也卦變之義蓋始於此 於三畫之初中上也王氏云索求也自坤 女也艮自坤變而得陽畫於上 兒自乾變而得陰 而求 陽 文

金

灾

r:

盾

白き

巻七十一

良馬 頫 扬 則 萬物之情也故孔子推明之曰此卦於天文地 各以例舉不盡言也學者觸類 為某物於鳥獸草木則為某物 為駁馬良馬為木果之類豈盡言天若此者所 為老馬為齊馬為駁馬為木果 川先生曰説卦於乾雖言為天又言為金為玉 說卦所叙 何所用之語 て自の女子言 銀山 於身於物則為某 而求之則思過半 F L じ入 理 謂

乾

為天為國為君為父為玉為金為寒為水為大赤為

欽 德 定四庫全書 白雲郭氏曰繫辭言包犧氏始作八卦 图 石 皆一 渠先生曰乾為大赤其正色也為水健極而寒甚 〇自此而下皆所以明萬物之情 則善於其道也老則久於其道也齊馬駁馬未 也寒冰西北之位也大赤乾剛之色也馬行健 類萬物之情此皆所謂類萬物之情也乾之 天之於三才君之於臣父之於子金玉之於 道也是之謂 むさけっ 類也乾之道天之形人之首皆 並明 以通神明 易 說作 類 於 之 せ

揂 其肯先儒或以齊為紫益非也孔氏又謂駁馬有牙 則 用 有 不在也此亦舉其大緊耳安能盡言天下萬物之象 萬物之所資馬而果者本之始也本以果為始 物以乾為好也然聖人言此使學者知其道无乎 獸名駁食虎豹事非經見亦非馬類疑无其字借 鋸 駁耳非駁馬也又言果實著木如星之著天如 果為星象非天象也乾元為萬物之始居草物之 能食虎豹誤矣未有蹄物能搏虎豹者也或言 J. J. .. 大易等言 夫 亦

我觸類而長之斯可矣自人言之則千夫長百夫長 泰山之於丘垤河海之於行流亦皆乾也山河雖坎 車蓋之象亦皆乾也麒麟之於走獸鳳凰之於飛鳥 者解矣八卦之象皆然説 狼螻蟻之間者乎故知其道无乎不在特知而用之 艮之象方其於丘垤於行涤則乾也至於虎狼有父 夫之於妻長之於幻亦皆乾也自物言之宫室之覆 子之仁螻蟻有君臣之義孰謂乾之道又有在於虎

一金定四库全書

を七十つ

為 灾 定日車至雪 文為聚為柄其於地也為黑 為地為母為布為金為吝嗇為均為子母牛為大與 白雲郭氏曰布均皆猶地之德釜猶地之化吝嗇陰 渠先生日坤為文衆色也為衆容載廣也說 卦所為之象然後可通一卦之義不然則乾坤 難通故聖人詳其所象亦立象盡意之謂也詳其 也子母牛蕃生也大與厚載也物雜則生文數 柄為化權統陰之色黑大赤之反也八卦之義 大易料言 Ť 偶

震為雷為龍為玄黃為專為大運為長子為決躁為蒼 於旅也為反生其完為健為蕃鮮 竹為崔章其於馬也為善鳴為馵足為作足為的額 覆言八卦於前又列其卦言之於後得无深肯耶說 白雲郭氏曰乾為統陽坤為統陰自乾坤相索一索 此其詳故雖百世之下亦可聞而知之也聖人反 非親質之三聖人終莫知其為義矣唯八計有象 渠先生曰震為崔章為蒼筤行為夷皆蕃鮮也説

2 蒼筤在章反生皆盛生之物雖為陽卦陰道盛也善 其於稼者因坤而言也其究為健乾也為蕃鮮坤也 乾剛也勇與大逢坤之道也其於馬者因乾而言也 玄黃玄黃天地之色也别而言之則龍乾畜也決躁 震備乾坤之泉為具體而微者錯而言之則其色 額除在上也此亞乾之四馬也說 動而有聲也辱足作足陽動於下也卦以白為陰 do dis i 大易粹言 六二

得震故震為陰陽交變之始其去乾坤未遠也是

異為木為風為長女為絕直為工為白為長為高為進 近利市三倍其究為躁卦 退為不果為臭其於人也為寡髮為廣額為多白眼為 白雲郭氏曰木為曲直曲直為工白陰也長高木泉 本之性也為臭風也入也於人為寡髮廣額躁人之 達也為工巧且順也為白因所遇而從也為長為高 果先生曰異為本的於下滋於上也為絕直順以

欠四月白書

巻七十一

其於木也為堅多心 白 横 為水為溝漬為隱伏為矯縣為弓輪其於人也為加 多陽是以其究為躁寡髮剛上也廣領重剛也為多 果先生曰坎為血卦周流而勞血之象也為赤其 下首為薄蹄為曳其於興也為多告為通為月為 心病為耳痛為血卦為赤其於馬也為美眷為亟 眼近利市三倍未詳其象説 こうなすこ

也進退風性也臭以風而傳物以進退而不果陰卦

色也說 通 故 痛 伏 白雲郭氏曰江河溪澗皆水也溝漬人所為者也隱 也木堅多心剛中也於與之義疑當作其於與也為 流不能止故多告離日 在中也下首陰居上也薄蹄下亦陰也流物 為赤震坎皆有馬泉者得乾德之餘也美眷巫心 血 水性也矯蘇弓輪方圆曲直之易也加憂心病 卦 陽陷於中也坎再索以中為主申得乾之 而 坎 月也盗小人之隱 故 岡川 為 耳

欽

定四庫

全

杏

たもれたも

17 こり き シェデ 離 槁 腶 横 乾 曳易曰見與曳又曰曳其輪故與有曳而馬无曳也 不能盡言者多矣説 為乾卦為鼈為蟹為藏為蚌為龜其於木也為科 渠先生曰離為乾卦於木為科上稿附其燥也 雲解以坎為雨而於此不言者於以見八卦之象 震之馬四而坎之言馬五亦知曳為與矣屯以坎 火為日為電為中女為甲胄為戈兵其於人也為 Ų 大易粹言 丰

鱼 為 胄 堅多心之義反矣説 虚 不 白雲郭氏曰雜麗也火日電皆麗物 易 且 類 言中男少男離兒言中女少女者互見也甲胄 水而 中之陰也乾卦燥也監盤贏好龜介 剛在外也甲胄自衛戈兵以外向也於人為大腹 庫 也孔氏云科空也科木上稿 セ 生 離陰為火者陽計多陰陰 表七十一 卦多陽故也坎 陰 中 而明者也坎 而 物也介 无實也與 物 艮 陽 P 戈

定

匹

達

狗 為山為徑路為小石為門關為果族為閣寺為指為 為風為點吸之屬其於木也為堅多節 白 横 易 或 雲郭氏曰震自坤變故為大逢艮其小者則為徑 渠先生曰艮為小石堅難入也為徑路通或寡也 陽過而在上无中下之剛是以陽卦之中獨艮不 門闕 艮大為山其小亦為石山與小石如坎水溝瀆之 説作 閣寺性之止也果旅亦乾之餘陽也指亦手

たこう

Ē

2

dula C

大易粹言

圭

兑 為 言 為澤為少女為巫為口舌為毁折為附決其於地也 故 功 則 馬其剛在上所 徒有噬齧之象狗鼠點吸之屬皆是也震之剛 義而二象也堅多節者剛不中也中則為心不中 隱在小人為盗艮之為利則為 言感皆因所索而言也且坎之為隱伏也在賢者 為節心則 下故言足坎之剛 利 用節不利於用二卦之辨 用益小故於獸畜之類无 動於中故言心艮之剛 狗為害斯 b 為 行健之 動於上 風皆 動

金灾

r:

相自言

老七十

為 白 横 物 剛 不 鹵為妄為羊 成 渠先生曰 光為附決內實則外附必決也為毀折 義不同也唯言其功故九可以澤物者皆為免又 雲郭氏曰兒數澤之象亦為天澤雨有澤潤之功 止雨之為澤而已八卦之中三索而成者皆動 雨 則止柔者必折也 亦名澤別而言之雨其物也澤其功也故坎與 陽 動者艮也以陰動者免也陽動則 | E 大易牌言 説易 14.1 有口之

義 通 之 n 古 ٤Ŀ 神 巫具古之巫誠人也今之巫妄人也 舌 而未見其象陰動 頰 去 附 已或附或決或用 妄 也巫之通神以口舌而 天下之害則口 决 舌之間 非聖人之所 猶號令之決小人 而已是以天下説 用也口 則計 舌之 レス 蚁 具口泉於上故直言其為 舌之 致 用 鲵 折 大 精 也 折 附 誠也古之亚 矣 稻 用 之也陽在下為 噬嗑之 非 揂 非 誠 誓命使 辨 小人之所 故 論 是 可 用 太下 非 與 用 獄 全 謂 除 鋄

金定

E

庫

全書

巻七

ì

雖二剛在下而卦以上之一陰為主故无良馬行 同 之功 陰在上為鹵蓋亦數澤之象妾為女道之下者也免 説易 <u>;</u> 而 有羝羊贏角之患也附決之意與詩之疏 大易容言 圭 健 附

一角灰匹库全書 大易粹言卷七十一 を七十一

欽 有 定四庫全書會要卷一百八十五經部 卦 屯屯者盈也屯者物之始生也 天地然後萬物生馬盈天地之間者惟萬物故受之 大 易粹言卷七十二 始生故繼乾坤之後傳 間至通暢茂盛則塞意亡矣天地生萬物屯物 川先生曰萬物始生鬱結未通故為盈塞於天地 てりの卒し 方開 編

盈 則 横 地 白 盈 萬 地唯人事不齊故自屯以 雲郭氏曰三才之序先天地而 所謂 之間 雖 渠先生曰盈天地之問者唯萬物聚而不得出 天地聖人之道亦盈天地物 杨 雷 塞乎天地之間者也〇易卦三才也乾 亦然 復附於聖人故聖人與天 人居萬物之中聖人之道 説易 徃 盡則 皆為人道然後 周萬 地 後萬物萬物 聖人之道盡 相 物 化人 是以萬 而 濟 天 可 抻 盈 孟 故 為 物 天 下

鱼灾

匹

庫

佳

圭

を七十二

物生必蒙故受之以蒙蒙者蒙也物之稱也 乾坤以見乾坤之大非諸卦比也屯為人事之始故次 義言於此者或取其一或二三取之不必皆同說易 坤物之始生也之始也其究則盈也卦或有一義或二三 横渠先生曰物生必蒙者蒙目未肆小作蒙稱者蒙 也傳 伊川先生曰屯者物之始生释小蒙昧未發蒙所以次屯 白雲郭氏曰上蒙卦也下蒙物之蒙也物以稱而蒙也說 たりの降言

幼 故受之以訟 稱不可不養也故受之以需需者飲食之道也飲食必有 需者飲食既有所須爭所由起也訟所以次需也導易 所以潤益於物故需為飲食之道所以次蒙也〇人之所 食也故曰需者飲食之道也雲上於天有蒸潤之象飲食 伊川先生曰夫物之切稱必待養而成養物之所需者飲 横渠先生曰需者飲食之道也雲上於天物皆有待之象

定匹庫在書 1

巻七十二

訟 於 以比比者比也比必有所畜故受之以小畜 定日華红点 比所以次師也〇物相比附則為聚聚畜也又相親 也人之類必相親輔然後能安故既有衆則必有所 伊川先生曰師之與由有爭也所以次訟也〇比 必有眾起故受之以師師者衆也衆必有所比故受之 白雲郭氏曰物釋不可不養故天地待聖人以成能養 人為事也飲食欲也欲為訟之始説 志相畜小畜所以次比也畜止也止則聚矣就易 大易粹言

物畜然後有禮故受之以履 所履也傳 所畜説易 横渠先生曰德積則行必有方物積則散必有道認 白雲郭氏曰畜德畜賢畜君畜衆皆畜也是以比必有 白雲郭氏曰衆必有比比必有畜畜而有禮則安无禮 之分是物畜然後有禮優所以繼畜也優禮也禮人之 伊川先生曰夫物之聚則有大小之别高下之等美惡 老七十二 受之以同人 泰者通也物不可以終通故受之以否物不可以終否故 履而泰然後安故受之以泰 則危説 也傳易 白雲郭氏曰履之而通者安之道不通則不安非所宜 伊川先生曰履得其所則舒泰泰則安矣泰所以次履

との卒言

Ì

與人同者物必歸馬故受之以大有有大者不可以盈故 能盡同人之道則否傾矣舜文是也物不可者猶云物 不能終通終否也易 白雲郭氏曰泰否時也同有盈謙皆在人事自取之耳 人所以次否也與易 義相反故相次又世之方否必與同力於作乃能濟同 泰也〇夫天地不交則為否上下相同則為同人與否 伊川先生曰夫物理往來通泰之極則必否否所以次

· 定匹庫全書

卷七十二

受之以謙 後受之以謙也華易 盡人誠之至也誠至則可以有物是以物必歸馬茍或 故受之以大有夫與人同者盡己盡人之性者也盡己 白雲郭氏曰如器之容物盈則不能有故有大者同天 无物可以盈不盈為謙認〇易曰與人同者物必歸馬 伊川先生曰夫與人同者物之所歸也大有所以次 同 人也〇其有既大不可至於盈滿必在謙損故大有之 , , . . 大易呼言 亞

欽 有大而能謙必豫故受之以 定四 必有隨故受之以隨 暇 白雲郭氏曰以謙有大則絕盈湍之累故優将不迫而 義而為次也有既大而能謙則有豫樂也豫者安和說 伊川先生曰有大而能謙必豫故受之以豫承二卦之 不然此亦不能大有之矣故曰不誠无物說 豫也説 庫 全 書 巻七十二 豫 庸

可大故受之以臨臨者大也 E 喜隨人者必有事故受之以盤盤者事也有事然後 說易 白雲郭氏曰豫由中庸所謂素也素有富贵之道則 伊川先生曰以喜隨人者必有事故受之以盡承二 矣富貴貧賤其所隨者也統言隨義不必皆為隨人 可行乎富貴素有貧賤之道則可行乎貧賤行則隨 Þ Li ALIA I 大易粹言 六

伊川先生曰夫說豫之道物所隨也隨所以次豫也

物 盆 事則何喜何隨盡所以次隨也盡事也盡非訓事盡 大然後可觀故受之以觀 卦之義以為次也夫喜説以隨於人者必有事也无 有弊盡者已弊之事弊而知改為則可大故有事復 白雲郭氏曰隨善道也喜隨人則失於无所擇故必 乃有事也〇臨大也盡者事也有事則可大矣故受 為大之幾説 之以臨也尊易 巻七十二

嘘 可 觀 白 噬 聖人又觀乎道故可觀皆大物說 者合也物不可以苟合而已故受之以實責者師也 獨 白雲郭氏曰天地可觀者也聖人與國家可觀也 雲郭氏曰九合在觀之後未有无所見而合者不 **嗑所以次觀也** 大觀而後有合也認 而後有所合故受之以噬嗑 先生曰虚者合也既有可觀然後有合之者也 1 傳易 て 日のなすとう ۲

致 白 飾然後亨則盡矣故受之以剥 无 有文也責所以次噬虚也傳 川先生曰夫物至於文師亨之極也極則必反故 雲郭氏曰人之合則有上下長少非禮以節之則 則有威儀上下物之合聚則有次序行列合則必 川先生曰物之合則必有文文乃節也如人之合 分无分則亂故不可茍合説 到者到也

Î)

定四庫

全書

をとける

故 物 受之以无妄 不 陽 矣 雲郭氏曰自同人大有謙豫隨蟲臨觀噬嗑責里 剥也〇復者反於道也既復於道則正理 可以終盡剥窮上反下故受之以復復則不妄矣 所以優泰順否之美道備盡於斯其道極盡則 剥 先生曰物无剥盡之理故 說易 極於上而復生於下窮上而反下也復所 THE STATE OF THE S ヒョの卒言 訓 極則復陰極則 洏 无 有 妄 陽

白

有无妄然後可畜故受之以大畜 誠之為貴湯 故復之後受之以无妄也與易 白雲郭氏曰剥窮則降而必復於道復於道則不妄 兼山郭氏曰健為天德大畜止健畜天德也故录曰 伊川先生曰无妄則為有實故可畜聚大畜所以次 以見小人之剥皆妄也是以小人无忌憚而君子唯

一飲定四庫全書

動亦无妄靜亦无妄而大畜一於止矣湯然 之是以君子存其心養其性使不失赤子之心者以 也有无妄之道則可畜猶有天命之性則可率而循 曰有无妄而後可畜是為交相養之道則知无妄者 者不能无妄故天德止於大畜而動於无妄也序卦 白雲郭氏曰大畜畜无妄之道而已无妄之道天道 剛健篤實輝光日新其德不能畜天德則見於有為 大易降言 九

欽 物 不養則不可動故受之以大過 定四庫 能 畜然後可養故受之以頭頭者養也 伊川先生曰九物養而後能成成則能動動則有過 白雲郭氏曰有所畜則天道止於我矣不有以養之 問者也說 存息頭所以次大畜也傷 復失其正孟子所謂以直養而无害則塞乎天地 川先生曰夫物既畜聚則必有以養之无養則不 全書 を七十二

受之以離離者麗也 物 不可以終過故受之以坎坎者陷也獨必有所麗故 説易 豈可失所養而妄動哉此孟子所以養浩然之氣也 伊川先生曰理无過而不已過極則必隔坎所以次 白雲郭氏曰大過之動非常動也不能大養其德者 不可動養大過之德如養枯楊使之生稱蓋亦難在 大過所以次頭也傳 と易等言

飲定四庫全書 有 去為離説 横渠先生曰一腦弱而不得出為坎一附麗而不能 白雲郭氏曰過越非常則蹈陷害何所謂陷必有麗 也或麗於險或麗於阻皆為陷也說 大過也〇屆於險難之中則必有所附麗理自然也 天地然後有萬物有萬物然後有男女有男女然後 所以次坎也重易 巻七十二

有夫婦有夫婦然後有父子有父子然後有居臣有君

臣然後有上下有上下然後禮義有所錯 上下然後禮義有所錯眾 合為夫婦之義咸感也以說為主恒常也以正為本 為天地之道男女交合而成夫婦故咸與恒皆二 渠先生曰性天經然後仁義行故曰有父子君臣 說之道自有正也正之道固有說馬易 首乾坤下經首成繼以恒也天地二物故二卦 川先生曰天地萬物之本夫婦人倫之始所以上

たしりる ここり

大易等言

可以久居其所故受之以逐避者退也 也故咸之後受之以恒也易 婦之道不可以不久也故受之以恒恒者久也物不 至於上下分定而後禮義有所錯舉禮義而錯諸 下也人道以此為急无此則別矣 男女人道之大夫婦人道之始父子君臣相因以生 白雲郭氏曰有天地然後生物人出其中則有男女 川先生曰恒久也成夫婦之道夫婦終身不變者 説易

月

イナージ

卷七十二

坳 往來之理湯 白雲郭氏曰避以陰侵而逐大此以 故 白雲郭氏曰日月久照尚有具食况萬物乎久居其 長 不可以終避故受之以大批 既 而陽逐也大壯陽之壯盛也衰則必盛消息相 川先生曰遯為違去之義壯為進盛之義避者陰 而退者宜也影 逐則必壮大壮所以次逐也 てもりむけい 傳易 刚長而壯消 息 湏

夷者傷也傷於外者必及於家故受之以家人 受之以明夷 物 欽 定四庫全書 所 不可以終此故受之以晉晉者進也進必有所傷故 白 明夷所以次哥也強易 川先 川先生曰夫傷困於外則必反於内家人所以次 雲郭氏曰剛過則柔至進極則必傷 レス 繼大壯也〇夫進之不已必有所傷理自然也 生曰物无壯而終止之理既盛壯則必進 巻七十二 傅易 晋

家道窮必乖故受之以睽睽者乖也 明夷也傳 伊川先生日家道窮則睽乖離散理必然也故家人 而不治者处反於家治自近始實一道也則 於人則反求諸巴申 兼山郭氏曰易曰傷乎外者必反於家益行有不得 横渠先生曰傷於外以反於家萬物之理自然說 白雲郭氏曰行有不得者皆反求諸己治國治天下 to the Part 大易幹言 庸

乖 物不可以終難故受之以解解者緩也緩必有所失故 受之以損損而不已必益故受之以益益而不已必決 故受之以夬夬者決也 必有難故受之以蹇蹇者難也 白雲郭氏曰合則有飾乖則有難理之宜也認 伊川先生日睽乖之時必有蹇難蹇所以次睽也傷 白雲郭氏日治道不可窮極有家有國有天下皆一也弱 之後受之以联也傳

决 解 必 白 乃 レス 矢口 雲郭 決也共所 有遇故受之以 爠 繼 也〇盛衰損益 以次蹇也〇縱 先生曰物无終難之理 則 損 少失損 ,氏曰難 也〇益之極 以次益也尊 極 必思戒思戒故可緩緩則不 緩 則 姤 如 大易符言 光四 光四 妨 則 必決 循 者遇也 環 必 加加 極則 有失失則 而 損 難 止 極 決皆理勢之常也 極則必散解者散 理 必 益 无常益而 沒損也損 理之自 中四 不已 沂 秋 知 懼 益 いし 繼 所

物 新沙 白雲郭氏曰相 相遇而後聚故受之以萃萃者聚也也決去小人則君子可遇認 白 遇 伊川先生曰決判也物之決判則有遇合本合則 雲郭氏曰人之於性決去其惡則德可遇其在國一如所以次夬也傳 先生曰物相會遇則成犀聚萃所以次站也 遇則道合而聚不合亦散矣故利見 巻七十二 何

聚 白 不 沂 困 而 雲郭 在下者莫如井井所以次困 已必因為言謂上升不已而 川先生曰物之積聚而益高大聚而上也故為升 因乎上者必反下故受之以 上者謂之升故受之以 不已必困矣故升之後受之以 次於萃也〇升者自下而上自下升上以 氏曰聚而上進於道則曰升升不知止 升升而不已必困故受之 也 井 困 傳並 則少反於下也物 困也〇承上升 易 カ 則 進 遇 而

こりりなすころ

1

華也〇門者器也震為長男故取主器之義而繼 道不可不革故受之以革革物者莫若男故受之以 困 可 主器者莫若長子故受之以震 能使相合為用而不相害是能革物也則所以 華物也變腥而為熟易堅而為柔水火不可同 不革者也故井之後受之以革也〇門之為用 川先生日井之為物存之則 遇 因而後反下其常理如此 卷七十二 説易 穢敗易之則清潔不 沂

欽 定

四

庫

全書

震 幼 窮 受 大者必失其居故受之以 者 不 取 動 其一義之大者為 後長子傳國家繼位號者也故為主器之主序卦 レン 可 理良所 先 也 歸 いく 生日 終 物 妹得其所歸者必大故受之以豐豐者大 止故受之以 不可以終 以次 動 静 震也〇止必 相 動 因動 相) 11 漸 止之故受之以 繼 則 之義 旅 漸 有静 者 有 進也進必有所 傳並 静則 進 易 屈 伸消息之 有 艮艮者止也 動 幼 无 歸 常 理 故

旅 欽定四 謙 白 進 也止之所生亦進也所反亦進也漸 窮 則 雲郭氏曰動 歸 无所容故受之以異異者入也入而後說之故 故 有歸歸得其所則大窮其大則必失蓋非有大以 庫 也 聚少成其大故歸妹之後受之以豐也〇豐威至 必有所至故 極則必失其所安旅所以次豐也華 全書 説易 極而止止 漸有歸義歸妹 卷七十二 極 復 進 進 所以 極必傷 沂 以次艮也〇 繼 漸也 0 易 進 いえ 坳 獑

受之以節 説 ここり 之以免免者說也 而後散之故受之以海海者離也物不可以終離故 白雲郭氏曰窮无所容其入必決入然後感感則說 不入則无感矣影 伊 則 旅困之中何往而不能入異所以次旅也○物 川先生曰羈放親寡非異順何所取容的能異順 5 相說相說則相入兒所以次異也 ` The last 大易粹言 傳並 キ 易 相

節 鉑 之以未濟終馬 小過有過物者必濟故受之以既濟物不可窮也故受 散故說有散義海所以繼兒也〇物既離散則當節 伊川先生曰説則舒散也人之氣憂則結聚説則舒 而信之故受之以中孚有其信者必行之故受之以 白雲郭氏日説而後奉疑可散散而无節則乖離矣湯 伊川先生日節者為之制節使不得過越也信而後 止之節所以次海也 易

能行上能信守之下則信從之節而信之也中孚所 繼 次節也〇人之所信則必行行則過也小過所以 中孚也〇能過於物必可以濟故小過之後受之 不可信也信故可行行則有濟濟之極則復於未 雲郭氏曰有節故可信如人之言无節行无節者 之理易者變易而不窮也故既濟之後受之以未 既濟也〇既濟矣物之窮也物窮而不變則无不 而終馬未濟則未窮也未窮則有生生之義並易 2 25 1 大易粹言

大易粹言卷七十二 之者又必有其道馬是以優泰則不至於否格豐則 不至於旅入非常道相受之所能拘也故繁辭言吉 則曰貞勝稱君子則曰自天祐之吉无不利說

金月四

441

を七十二

然自屯至於未濟雖皆相受之道而君子居而安

たこう 乾 欽 雜 定四庫全書齊要卷一百八十六經部 亦 横 剛 月 大易粹言卷七十三 坤柔 柔也乾坤則所包者廣説 渠先生曰不曰天地而乾坤云者言其用也乾 星辰處視以為天陰陽言其實乾坤言其用如言 何形猶言神也人解識天天竟不可方體姑指日 大易等言 宋 方
聞 編 坤

金质 にし 樂 觀之義或與或求 柔重於八卦故卦中之剛柔皆乾之剛坤之柔也是 憂是天下可久比而不可久師也故比有永貞而 白雲郭氏曰六子之剛柔索於乾坤六十四卦之 白雲郭氏曰比以比輔從順為樂師以 匹 師憂 獨乾坤為剛柔為 庫全書 を七十二 相 須行險致 師 岡山

屯見 蒙昏蒙也 白雲郭氏曰屯旅皆近困旅困於已窮故失其居屯 横渠先生曰險在外故不失其居與海解義反故曰 義或有與无求有求无與皆非臨觀之道有舜在上 必有戴舜者是為臨觀也認 必有所失〇蒙雜而著着字雜著於物所以為蒙 而不失其居蒙雜而著


白雲郭氏曰臨與所臨觀與所觀二卦皆有與求之

損益盛衰之始也 震起也艮止也 飲定四庫全書 白雲郭氏曰損己必盛故為盛之始益已必衰故為 之始艮為三索之終也說 白雲郭氏曰陽動起於震初止於艮終蓋震為一索 者也蒙之稱著於形者也認 困於始生故不失其居而利於有為也蒙未有所知 之時中无所執則雜而著見故發之屯之難見於泉 卷七十三

萃聚而升不來也 たとヨ 无妄災也 大畜時也 匪正有告認 言往行以畜其德亦以待時也說 衰之始消長相循在道當如是也說 白雲郭氏曰无妄之謂災其餘自作孽而已故无妄 白雲郭氏曰君子藏器於身待時而動然則多識前 mat de dans 1 大易符言 Ξ

盛 謙 国矣説 虚食也黄无色也 食也黄以白責无咎故无色則質全有天下之至飾 白雲郭氏曰頭中有物則必斷故噬嗑利斷猶人之 君子貴知幾問 白雲郭氏曰謙輕已豫怠已也以樂豫故心怠是以 白雲郭氏曰不來不知反也故至於困來則知止无 而豫怠也 j 1 TT 巻七十三

喷 兒 有作也説 見而異伏也 横 存馬説 變故言无故蠱弊事特加整治因 白雲郭氏曰其道見則說其道伏故入説 白雲郭氏曰隨之道在此事在彼所隨有道不為事 无故也盡則飭也 果先生曰免說在外異入在隱説 大奶空言 飭之而已言非大 凹



成速也恒火也 解 緩也蹇難也段外也家人內也 離也節止也 白雲郭氏曰縣本於外疑家人本於內治故治家者 白雲郭氏曰散則離矣有節故可止説 白雲郭氏曰感為天下至速之道所謂不疾而速者 用遇者柔遇剛之遇也遇其困我者也弱 とりの卒言

新定四庫全書 一 否泰反其類也 類 復 言之則曰君子小人治亂而已合三才言之故云 少先其身治天下者必先其家説 白雲郭氏曰否泰反類而 得君子則傾也恭反其類得小人則亂也在人 反其類類謂陰陽之類 則止避則退也 卷七十三 如君子小人是也否反其 相馴致之道故体否之道 道


草去故也罪取新也 大 有家也同人親也 成 白雲郭氏曰草晁之義相為終始是以去故取新共 白 白雲郭氏曰壯不知止小人之壯也君子之壯則有 下親之易知則有親同人之親其得乾之易乎認 雲郭氏曰其有非 趣之退大北之止皆克己之道認 道親 こりなする 故衆聚則大能同乎人則天

離 横渠先生曰危者安其位者也故覆以不處為去認 畜寡也覆不處也 上而坎下也 横渠先生曰過而未顛也說 白雲郭氏曰上下猶水火之性也認 過過也中孚信也豐多故也親寡旅也 親寡也非天下皆寡親也說 白雲郭氏曰因豐則多事无親而後為旅旅則我之

たこう 需不進也訟不親也 调 絶矣説 白雲郭氏曰寡則不能大其施優以行為義非處之 横渠先生曰過至於顏故曰大説 道説 白雲郭氏曰中之四剛大難之象也有大難而本末 白雲郭氏曰需有待則不能自進訟違行相親之道 顛也 and to dista 大易碎言

頤 漸 金灾匹 姤 養正也 也 白雲郭氏曰養其正所以去其非正謂之頭 女歸待男行也 遇 弱 白雲郭氏曰柔之遇剛曰姤 説易 雲郭氏曰待男而行其行漸也是以吉説 也柔遇剛也 故 煏 顚 白量 説易 卷七十三 剛之來復不可謂之遇 説易

未濟男之窮也 既濟定也 横 白雲郭氏曰濟則難定説 妹女之終也 白雲郭氏曰剛柔失位男道弱而窮矣柔失位則以 白雲郭氏曰女以歸為有終説 渠先生日妹歸而長女之然也妹易 居尊剛失位則以貴居賤是以窮也為 大易粹言 説歸




升降上下無非天理流行之妙而畫前之易當在吾心 是之歸體其所未言以造乎自得之實則知陰陽五行 同之際乃吾所用力之地尚能窮其所已言以求乎至 者也雖七家之書不無深淺與同之論然考其師友淵 右大易粹言前太守曾君種命郡博士方聞一所哀輯 大易粹言後序 而不在書矣宣徒以廣耳日聞見而已哉歲久板浸減 源則皆自伊洛中來學者得此書而萃觀之則淺深異

欽

定四庫全書


大易粹言




悉其於六藝煨燼之餘唯易為全書故昔人號易 其門而探其與乎拾是不用吾力而欲求夫徑造 為六藝之原有志於道德性命之學者可不出入 學者皆失之學琴有譜學亦有數彼業一枝者且 是書之成所惠於後學多矣夫學莫不有宗後之 是書集係屬語之於是門下士程九萬欣然前曰 右大易粹言一編太守曾公所裒集也始公欲利 而况於學道者乎吾聖人聞道之微以詔後學 大易卒言

一欽 定四 其文字之間見帙籍之散漫今公會而通之貫而 寥寥千百載問有伊川二程先生者探三聖之用 心與一時諸公講究至到可為學者據依然猶 頓 可以達死生漢儒体各災異之證最害道之甚者 發露於文而大彰明於夫子道妙所在內外之不 庫 之誠有功於聖門端不止於東集而已學者於 廢終始之無有二致由是而充之可以處貴賤 悟之說幾何而不胥為異端也蓋自胚輝於義 全書 病

層出亦足以補其遺關然編帙散漫猶病馬祐之 繁辭無傳學者惜之惟當時諸公之所講究問見 音伊川先生發揮大易之音獨止於六十四卦 淳熙四年正月日門生迪功郎舒州望江縣主簿 是而得其所宗矣書成遂述前日語以書於末云 **蚕獲遊温陵曾公之門公平居議論必及於易而** 主管學事程九萬謹跋 伊川之學尤所寫好故當以親受白雲之說合伊 1. 15 大易粹言



第十八頁前二行小過所以繼中孚也刊本所訛 謹案卷七十一第二十五頁前七行不盡言也據 卷七十二第十四頁後二行始所以次央也刊本 而據程子易傳改 姤訛始據程子易傳改 上文不盡言下應有天字





總校官無吉士臣 校對官中書 磨録監 生

臣 呉

張 能 B

南

臣